

## آبونہ شریفی

مالک عثمانیہ دہ ستہ لکی (۶۵)، آلفی  
آلفی (۲۵) غروشدور .  
مالک اجنبیہ دہ ستہ لکی (۱۷)، آلفی  
آلفی (۹) فرانقدر .

## ادارہ نمائندہ

باب عالی چادہ سندھ دائرہ مخصوصہ

## انتظامیہ

آبونہ عالی پشیندر .

مسئلہ موافق آثار مع المتونہ قبول  
اولنور . درج ایدلہ بن یازیراعادہ  
اولونماز .

# الشمس والکلمة

۱۳۳۰

دینی ، فلسفی ، علمی ، ادبی ہفتہ لقی مجموعہ اسلامیہ در .

صاحب و مدیر مسئول  
اشرف ادیب

باش محرر  
محمد عاکف

واللہ ینصرون الی صراط مستقیم

آبونہ اهدکم سبیل الرشاد

جلد ۱۳

۲۵ کانون اول ۱۳۳۰

پنجشنبہ

۲۰ صفر ۱۳۳۳

عدد ۲۶۱

کندی رضاسی ایچون خالص اولارق و وجہ کریمی طلب ایدیلہرک  
پایلان عملدن باشقہ سنی قبول ایتمز « بیور ہجرت » .

سنن نسائی حدیث لرنندن اولان بو حدیث شریفک راویسی ابو  
امامہ الباہلی رضی اللہ عنہدر .

## حدیث شریف

عن شر حیل بن السمط قال لکعب حدثنا عن رسول الله صلى الله عليه وسلم واحذر . قال سمعته يقول من شاب شيبة في الاسلام في سبيل الله كانت له نورا يوم القيامة . قاله له حدثنا عن النبي صلى الله عليه وسلم واحذر . قال سمعته يقول ارموا من بلغ المدو بسهم رفعه الله به درجة قال ابن النعمان يا رسول الله و ما الدرجة قال اما انها ليست بعنة امك ولكن ما بين الذرجين مائة عام .

## مآل شریفی

« شر حیل بن السمط » دن روایت اولونورکہ بر کون کعب بن  
مرہ البہزی رضی اللہ عنہہ : « یا کعب ، بزہ رسول اللہ صلی اللہ علیہ  
وسلمدن طویدیفکندن بحث ایت . زیادہ ، اکیسک سویلہ مکدن دہ صاقین »  
دیمش . کعب : « ایشیتدم بو یوردی کہ ہرکیم دائرہ منجیہ اسلامدہ  
اللہ یولندہ صاحبینی آفاتیرسہ قیامت کونی بو آقلفی کندیسنہ نور  
اولور » دیمش . شر حیل حضرت کعبہ ینہ : « بزہ نبی اکرم صلی اللہ  
علیہ وسلمدن طویدیفکندن بحث ایت دہ زیادہ اکیسک سویلہ مکدن  
حذر ایت » دینجہ کعب دیمش کہ : « ایشیتدم بو یوردی کہ ( نشان  
آلارق ) آتک . ہرکیم بر اوقی دشمنہ ایریشدیرہ بیلیرسہ او عملی ایلہ  
اللہ تعالیٰ حضرتلری آتک جنتدہ مقسامتی بر درجہ ترفیع ایدر .  
( اورادہ حاضر اولان ) ابن النعمان رضی اللہ عنہ « یارسول اللہ درجہ  
بو یوردیغک نہدر ؟ » دیبہ سؤال ایدنجہ : « ہم درجہ دیدیکم سنک

## حدیث شریف

## حدیث شریف

من غزا في سبيل الله ولم ينوالاعقلا فله مانوى

## مآل شریفی

ہرکیم اللہ یولندہ غزایہ چیقاردہ نیتق ولودومستک آیاقہ باھی  
کوی جزئی بر غنیمتدن عبارت اولورسہ نیت ایتدیکی شیدن باشقہ سنہ  
ناائل اولاماز .

حدیث شریفک راویسی عبادہ بن الصامت رضی اللہ عنہدر .  
مخرجلری نسائی ، احمد بن حنبل و حاکمدر .

## حدیث شریف

جاء رجل الى النبي صلى الله عليه وسلم فقال ارأيت رجلا غزا  
يلتمس الاجر والذكر ماله ؟ فقال رسول الله صلى الله عليه وسلم لاشئ  
له . فاعادها ثلث مرات يقول له رسول الله صلى الله عليه وسلم لاشئ  
له . ثم قال ان الله لا يقبل من العمل الا ما كان له خالصا وابتنى به وجهه

## مآل شریفی

بری نبی اکرم صلی اللہ علیہ وسلم حضور شریف لربنہ کلوب :  
« یا رسول اللہ ! نہ بو یوردی سکوز ؟ بر آدم ہم اجزہ ہم شان و شرف  
اکتسابی قصد ایدہرک غزایا ایدرسہ نہ یہ ناائل اولور ؟ » دیبہ یوردی .  
رسول اللہ صلی اللہ علیہ وسلم : « ہیج بر شیتہ ناائل اولماز . »  
بو یوردی . او آدم بو سؤالی اوچ کرہ تکرار ایتدی . اوچندہ دہ :  
« ہیج بر شیتہ ناائل اولماز » جوانی ویردکن سکوزہ : « اللہ تعالیٰ حضرتلری

آناک اشیکی دکدر . ایکی درجه نك آراسی یوز ییلدر .  
بو حدیث شریف نسائی حدیثلرندندر .

حدیث شریف

ارموا وارکبوا وان ترموا احب الی من ان ترکبوا کل شیء یلهد  
به الرجل باطل الارمی الرجل بقوسه او تأدیه فرسه او ملاءبته امرأته  
فانهم من الحق ومن ترك الرمی بعد علمه فقد كفر الذی علمه

مأل شریفی

( نشان آلوب ) حیوانه ده بندکیز . مع مافیہ نشانجیلغکز بکا  
سواریلککیزدده خوش کلیر . انسان او یالاندینی ملاءینک کافه سی  
باطلدر ، یالکیز انسانک یابندن اوقی حواله ایتسی ویا حیوانی تربیه  
ایتمه سی ویا خود زوجه سیله اویناشماسی مستنادر . بونلرک اوجی حق  
اولان ملاءیدندر . هرکیم اوق آتانی او کز ندکن سوکره ترک ایدرسه  
کندیسنه تعلیم ایدنه قارش کفرانده بولونمش اولور .  
بو حدیث شریف عقبه بن عامر الجهنی روایتله مسند امام احمد  
بن حنبل ، مسند شافعی ، جامع ترمذی ایله بهیقینک شعب الایماننده  
مذکوردر .

حدیث شریف

ان الله عزوجل یدخل ثلثة نفر الجنة بالسهم الواحد : صانعه یحسب  
فی صنعته الخیر والرأمی به ومنبله .

مأل شریفی

الله عز وجل حضرتلری برتک اوق یوزندن اوج کشی بی جنته  
صوقار : صنعتده خیر یعنی جهاده یاراماسنی نیت ابدن صنعتکارینی ،  
اوقی آتانی، برده اوق آتانیکن یاننده طوروب اوقلری برر بر کندیسنه  
ایله تن کیمسه بی .  
بو حدیث شریفکده راویسی عقبه بن عامر الجهنی در . مخرجلری  
امام احمد بن حنبل ایله نسائی در .

احمد نعیم

ادبیات

ملحدله قارشی

« اعجاز قرآن ، تاریخ ادبیات عربیه ، حدیث القبر کی جدأ قیمتی  
وامثالز اثرلر تألیف بو بوران . هرک اک بو بونک شاعری ، اک لطیف البیان  
محرری مصطفی صادق الرافعی حضرتلرینک یوز بیکرجه نسخه طبع و نشر  
ایدیلن « حدیث القبر » کتاب مشهورندن بر پارچه : »

ای قر ۱ بو لحظه ده زمانک توقف ایتدیکنی ، ابدیتدن بر قطعه  
نابته یه استحال ایتدیکنی تحمیل ایدبورم . اورایه هرشی ، حق زمان

بیله ، اولدکن سوکرا کیرر . اونک بک طانی بر حیات ، دها طانی  
بر ممت ایثار ایدن متبعم دوداقرینک نور صاحبان شهله لرینه کومولک  
ایستهم . لیکن نه چاره که اجمال ، محبتیه بو درجه مسعودانه بر اولوی  
روا کورمنز . هر عاشقک روحی بر بوسه ایله چیهوب کیتمنس  
اولسه بدی ، یا خود بر ایتسام سحرک اشعه نورا نورنده اوچسه بدی ،  
دها طوهروسی باب سهاک کلیدی بور قیق غنجه قم اولسه بدی ؛ قلب  
بشرك نظامی ده کبیر ، آنک هر ضربه سی دنیا ایله آخرت آره سنده کی  
مسافینی قطع ایدن سریع بر خطوه اولور . محبت حیات برینه محبت  
ممت قائم اولوردی . فقط جمال ، دائماً بخیلدر ؛ چونکه آخرت دائماً  
بعیددر . محبت ایسه دائماً بر عذاب اوله رق باقی در ؛ چونکه جمال  
محبت حیاتک ماده سی در . ذاتاً ارض اوزرنده بو بدایع اولسه بدی ،  
الهی طانیه جق ، آنک وحدتنه اینانه جق هیچ بر عقل بولونه مازدی .  
چونکه او بدایع حقیقتده منطلق الهینک ایلک محائف اقناع و اعجازیدر .  
ملاءفه ملحدینی کوز اوکنه کتیرنجیه کورورزکه ؛ آنلرک الهی انکارده  
اک زیاده یاری کیده نی جمالک زاهت و عفتنه اک بو بونک دشمن اولانی در . .  
نه چاره که اونک اشعه ایتسامنده سایه حقیقه مادم . بالمکس اونک  
او ایتسامی قلبی احاطه ایدنجیه سیاه بر بولوط آری به آری به ناسیاه  
بیاض بر سحاب اولورسه قلبمکده او یله جه ذوبانه باشلا دینی حس ایتدم .  
باق ، سن ده ای قر ، کولیورسک . صانکه او دلبردن قیصقانیورسک .  
بریکز سهاده ، دیکریکزارضده جمالک ، محاسنک اک شمزللی معناسنی  
تمثیل ایدیور .

ایشته شیمدی بولیل اضطرابک آغوشنده او یویان نسیم  
روحوز ، کل فدائلی اوزرنده او یانه رق ، بوی مطربله سنک  
شعاع دلفریبگده بیقانیور . آه او نورل صاحبان شعله لر بنم آلولی  
چکرلرک آتشی نه قدر خفیفلشدیر یور ؛ او چکرلرکه روحلری  
تحلیل ، نه مقدارده خیر و شر ایله ممزوج اولدینغی تقدیر ایدن  
بر معمل کییاوی حالی آلدی . او یله بر تحلیلات که نتیجه سی سراپا  
حکمت در . ذاتاً آتشین قلبلرک طبیعنی آ کلابه میان ، قلباً جاهل  
اولور . ولوکه دماغی بوتون علوم ایله مملو بر کتبخانه تشکیل ایتسون .  
قلب جاهل اولونجه طبیعتک سلطان حقیقیسی مفقود اولور . او  
سلطانک نه بوتون علومک غایه سی اولان قوت ، نه بوتون اعمالک  
غایه سی اولان تسخیردر . چونکه هر حالده طبیعت دها قوی ، دها  
نا قابل تسخیردر . ولوکه انسانک نقطه نظرندن مسخر کورونسون .  
هوانک طبقاتی یاره رق یوکسه لن بر طیاره نك طیرانی ، هواجه  
بادی تعجب اوله ماز ، چونکه اصغر مخلوقات اولان سینسکارده اوچبور .  
ساح بر اطه دینه جک قدر جسم بر واپورک سطح بحری یاره رق  
سیرانی ، دریاچه هیچدر . چونکه اک کوچک بالیق اونک فورطنلری  
قارشیسنده دها ثابت ، دها متحملدر .  
طبیعتک سلطان حقیقیسی ، روحک ساطانی در ، که الله در .